

Doktorinngorniartarnerit pillugit Namminersorlutik Oqartussat nalunaarutissiaat nr. 40, 6. november 2020-meersoq

Ilisimatusarfik pillugu Inatsisartut inatsisaanni nr 12, 12. juni 2019-imeersumi § 15, imm. 4 naapertorlugu aalajangersarneqarput:

Kapitali 1

Doktorinngorniarnermi ataqqinaammillu doktorinngorniarnermi ataatsimut aalajangersakkat

§ 1. Ataani aalajangersakkat allaqqasut naapertorlugit Ilisimatusarfik doktorinngortitsisinnaallunilu ataqqinaammik doktorinngortitsisinnaavoq.

§ 2. Ilisimatusarfik ilisimatusarfimmi ilinniartitsissutini ataasiakkaani taakkunungalu kandidatinnngorniarnermi ilaatillugit doktorinngorniarnermi ataqqasut doktorinngortitsisinnaavoq allaqqasutullu taaguuserlugit doktorinngortitsisinnaalluni:

- 1) Teologimi doktori - doctor theologiae (dr.theol.),
- 2) Filosofimi doktori - doctor philosophiae (dr.phil),
- 3) Antropologimi doktori - doctor scientiarum anthropologicarum (dr.scient.ant.),
- 4) Perorsaarnermi doktori - doctor pædagogiae (dr.pæd.),
- 5) Tarnit pissusaat pillugu doktori - doctor psychologiae (dr.psyk.),
- 6) Inuussutissarsiornermi oqaatsit pillugit doktori - doctor linguae mercantilis (dr.ling.merc.),
- 7) Inatsisilerinermi doktori - doctor juris (dr.jur.),
- 8) Naalagaaffiit pillugit ilisimatusarnermi doktori - doctor politices (dr.polit.),
- 9) Naalagaaffiit pissusiinik ilisimatusarnermi doktori - doctor scientiarum politicarum (dr. scient.pol.),
- 10) Aningaasaqarneq pillugu doktori - doctor oeconomices (dr.oecon.),
- 11) Inuussutissarsiornermi aningaasaqarneq pillugu doktori - doctor mercaturae (dr.merc.),
- 12) Allaffissornermi pillugu doktori - doctor scientiarum administrationis (dr.scient.adm),
- 13) Inuiaqatigiilerineq pillugu doktori - doctor scientiarum socialium (dr.scient.soc.),
- 14) Isumaginninneq pillugu ilisimatusarnermi doktori - doctor rerum socialium (dr.rer.soc.),
- 15) Nakorsaatit pillugit doktori - doctor medicinae (dr.med.),
- 16) Kigutigissaanermi doktori - doctor odontologiae (dr.odont.),
- 17) Inuussutissalerinermi doktori - doctor medicinae veterinariae (dr.med.vet),

- 18) Pinngortitamik ilisimatusarnermi doktori - doctor scientiarum (dr.scient.),
- 19) Nakorsaasersuinermi doktori - doctor pharmaciae (dr.pharm.),
- 20) Nunalerineq pillugu ilisimatusarnermi doktori - doctor agronomiae (dr.agro.),
- 21) Teknik pillugu doktori - doctor technices (dr.techn.),
- 22) Napparsimasunik paarsinermi doktori – doctor curationis (dr.cur),
- 23) Inuiaqatigiilerinermi doktori – doctor scientiarum socialium (dr. scient.soc.).

Imm. 2. Ilisimatusarfik ph.d.-graditut ataqqinaammik assinganik doktorinngortitsinnaavoq. Taakkunani pisuni taaguut una ilanngunneqartassaaq: »honoris causa« (h.c).

Imm. 3. Inuit doktorinngortinneqarsimasut imaluunniit ataqqinaammik doktorinngortinneqarsimasut Ilisimatusarfimmiit diplomimik tunineqartassapput. Assammioqarsinnaatitaapput Ilisimatusarfimmit pineqarsinnaasumik tassanilu minervap niaquanik laubærkransimik ungalusimasumik naqitaqassaaq. Teologiimi doktorinngorsimasut siilikimik kjoleqarsinnaatitaapput siulilimmik sanilequtilik kiisalu nasartallit ammukaanik.

Kapitali 2

Doktorinngorniarneq

Doktorinngorniarneq pillugu tunngaviusut

§ 3. Doktorinngortitsineq allaaserisaq tunngavigalugu pisarpoq, allaaserisarluni tamanut ammasumik oqaluttariarsorluni illersorneqartarluni. Ilisimatusarfiup immikkorluinnaq ittumik pisoqartillugu oqaluttariarsorluni illersuinertaata ingerlanneqannginnissaa akuersissutigisinnaavaa.

Imm. 2. Doktorinngortitsinermi atuakkiortup ilisimatuussutsikkut annertuumik ilisimasai inersimaneralu allaaserisaminilu ilisimatusarnermik malunnaatilimmik siuariaataasutut kinguneqarsimasumik ataqqinninnermik takutitsinerussaaq, tak. § 5, imm. 2.

§ 4. Inuit suliassaqarfimmi qaninnermi pineqartumi kandidatinnorsimasut, magisteritulluunniit angusisimasut imaluunniit ph.d.-mik angusisimasut doktorinngorniummik nalilersorneqartussamik allaaserisamik tunniussisinnaatitaapput, taamaattorli Ilisimatusarfiup doktorinngorniarluni allat allaaserisaannik tunniussisinnaanissaat akuersinnaavaa tak. imm. 2.

Imm. 2. Imm. 1-imi aalajangersagaq apeqqutaatinnagu Ilisimatusarfiup allaaserisaq tunniunneqartoq nalilersortariaqanngilaa makku peqqutigalugit

1) doktorinngorniutaasoq allaaserineqarnerata ilusaa imaaluunniit isiginjarlugit akuerineqarluni tunniunneqarsinnaangippat, imaluunniit

2) allaaserisami sammineqartumi qaffasissumik naliliisinnaasumik Ilisimatusarfimmi peqanngippat, imaluunniit

3) allaaserisaq ilinniarfimmi qaffasissumi doktorinngorniutaasutut doktorinngussutaananili

nalilersorneqartussatut saqqummiunneqareersimappat, taamaassimassappallu allattuata allaaserisamik tunniussinermini tamatuminnga nalunaaruteqartussaataavoq.

Allaaserisaq

§ 5. Doktorinngorniutip imarisinnaavai allaaserisaq imaluunniit allaaserisat imminnut ataneqartut periaatsilluunniit assingusut atorlugit allaaserisat. Doktorinngorniut arlallit allaaserisamik imaqarpat allattup ilisimatusarnermi inernerit angusimasani pillugit eqikkakkamik aamma nassuiaatitaqassaaq. Doktorinngorniummi siornatigut suliaasimasunik ilaqarpat, tak. imm. 2, eqikkaanermi taakku ilaatinneqassapput tassanilu ilisimatusarnermi inernerit nutaat taakkununga naleqqiullugit ilaatinneqarlutik.

Imm. 2. Doktorinngorniummi tassannganneersunik allaaserisamik ilisimatusarnermiluunniit inernernit ilaqarpat taakkulu siornatigut Kalaallit Nunaanni nunaniluunniit allani qaffasissumik ilinniarnermi angusissutaasimappata imaluunniit akissarsissutaallutik nalilerneqarsimappata doktorinngorniut taakkununga paasissutissanik ilaqartinneqassaaq. Doktorinngorniut taamaallaat tunniunneqarsinnaavoq doktorinngorniummut allattup ilisimatusarnermi misissuinermi nutaanik inernerit uppersarsinnaappagit, siornatigut naliligaasimasunit ilisimatusarnermit annertuumik siuariarneruppat, tak. § 3.

Imm. 3. Taassumanga eqikkaaneq doktorinngorniummut ilaatinneqassaaq.

Imm. 4. Doktorinngorniut taassumaluunniit ilaa ataatsimoorluni suliaqarnermit inerneruppat allaqataasut atsiortinneqassapput allattuatalu nammineq annertussusaa pillugu eqimattamilu suleqatigiinnermit annertussusaa uppersarneqarluni.

§ 6. Doktorinngorniarluni allaaserisami tassanngalu eqikkaanermi suut oqaatsit atorneqassanersut Ilisimatusarfimmit aalajangerneqassaaq. Allaaserisaq allat oqaasii atorlugit allataappat eqikkagaq taamaattoq kalaallisut qallunaatulluunniit allanneqarsimassaaq.

§ 7. Naliliinermut ataatsimiititaliap inassuteqarneratigut Ilisimatusarfiup allaaserinnittumut akuersissuteqarsinnaapput allaaserisami minnermik allannguinissaanut imaluunniit ilassuteqarnissaanut, tamannalu pissalluni illersorneqannginnerani takuneqarsinnaalerpat, tak. § 16.

Naliliinermik ataatsimiititaliaq aamma ataatsimiititaliap inassuteqaataanik suliarinninneq

§ 8. Doktorinngorniummik nalilersuinermit naliliisussanik Ilisimatusarfik ataatsimiititaliussaaq allaaserisap tignerani piaartumik nalinginnaasumillu tignerani qaammat pingasut qaangiutsinnagit. Taanna marlunnik pingasunilluunniit doktorinngorniummi sammineqartumi suliaqartunik

ilaasortaqaassaaq professoriullutik suliassaqarfimmiluunniit qaffaseqataanik ilisimasaqarlutik. Nalilersuinermi ataatsimiititaliami ilaasortat kisimik nalilersuinermi ilaasinnaapput.

§ 9. Naliliinermi ataatsimiititaliap inuttalerneqarnerata kinguninngua allaaserinnittoq tamassuminnga ilisimatinneqassaaq taakkunungalu akerliussaguni ulluinnaat ikinnerpaanik arfineq-pingasut sivisunerpaamillu ullut 14-it iluini akerliusinnaalluni. Akerliusoqassappat akerliussutit tiguneqariaannartut piaartumik suliarineqassapput. Naliliinermi ataatsimiititaliap katitigaanerata allannqortinnissaa aalajangerneqarpat allaaserinnittoq tamatuminnga aamma ilisimatinneqassaaq akerliliiinissaanillu periarfissillugu.

Imm. 2. Naliliinermi ataatsimiititaliap katitigaanerata pillugu Ilisimatusarfik inaarutaasumik aalajangereerpat allaaserinnittoq tamatuminnga ilisimatinneqassaaq ulluinnaat ikinnerpaanik arfineq-pingasut sivisunerpaamillu ullut 14-it iluini doktorinngorniuteqarluni allaaserisani nalilerneqarnissaanit utertissinnaallugu periarfissaqarneranik ilisimatillugu. Piffissaliineq qaangiuppap naliliinermilu ataatsimiititaliap inaarutaasumik inassuteqaataata tiguinissaanut allaaserisap nalilernissaata unitsinnissaa taamaallaat pisinnaavoq Ilisimatusarfiup immikkorluinnaq ittuni tamanna akuersissutigippagu.

§ 10. Naliliinermi ataatsimiititaliap doktorinngorniutitut allaaserisap illersorneqarnissaa akuerineqartariaqarnersoq itigartinneqartariaqarnersorluunniit pillugu tunngavilersuummik ilinniagartuut siunnersuisoqatigiivinut allalluni inassuteqaateqassaaq. Ataatsimiititaliami naliliineq pillugu isumaqatigiinngitsoqarpat ilaasortat ataasiakkaarlutik eqimattakkuutaarlutilluunniit inassuteqaateqassapput. Inassuteqaat suliamut tunngatillugu allanneqassaaq aalajangiinermilu naammaginartumik tunngavissiissalluni.

Imm. 2. Inassuteqaat, pisuni ataasiakkaani allamik piffissaliisoqanngippat, naliliinermi ataatsimiititaliap pilersinneranit kingusinnerpaamik qaammatit arfineq-pingasut qaangiutsinnagit suliaralugu naammassineqarsimassaaq.

§ 11. Inassuteqaat amigartunik ilitersuinertarpat annertuumilluunniit amigaateqarpat inassuteqaat naliliinermi ataatsimiititaliamut suliareqqitassanngorlugu imaluunniit suliamik pingaarutilinnik kukkunerit aaqinnissaat siunertaralugu nassuteqqinneqassaaq. Inaarutaasumik inassuteqaat naammassineqarsimalerpat allattuanut piaartumik nassiunneqassaaq.

Imm. 2. Inassuteqaat, imaluunniit pisut ilaanni inassuteqaat, isumaqatigiinngissutaappat inassuteqaatip ilaanni allaaserisap itigartinnessaa inassutaappat allattua ilisimatinneqarsinnaavoq piffissami sapaatit akunnerit pingasut iluanni inassuteqaammut oqaaseqarsinnaatitaasoq imaluunniit allaaserisaq suliariteqqinnagu utertissinnaagaa.

Imm. 3. Naliliinermi ataatsimiititaliap inassuteqaataanut oqaaseqaammik saqqummiussisoqarpat allaaserisaq utertinngikkaluarlugu oqaaseqaat naliliinermi ataatsimiititaliamut akisassanngorlugu nassiunneqassaaq ilaatigullu inassuteqaammut nutaamik nalileeqqinnissamut tunngaviusinnaalluni. Allattoq naliliinermi ataatsimiititaliap akerliussutit pillugit qisuariaataat pillugu ilisimatinneqassaaq.

§ 12. Inassuteqaateqarnermut atatillugu nalornisoqarneranik inissiiniarnermi naliliinermi ataatsimiititaliami ilaasortat ilinniagartuut siunnersuisoqatigiinni suleqataangitsut suliaasaqarfimmi suliamik suliarinninnissamut aggeqquneqarsinnaapput ikinnerpaamik ullunik 14-inik sioqqutsisumik. Taasinermi peqataassanngillat. Suliamik suliarinninnermi aalajangiinermut sunniuteqarsinnaasunik paasisutissanik allattullu siornatigut ilisimasimanngisaanik takkuttoqarpat allattoq tamatuminnga allaffigalugu ilisimatinneqassaaq aalajangiisoqannginneranilu taakku pillugit oqaaseqaateqarnissaanut periarfissinneqassalluni.

§ 13. Naliliinermi ataatsimiititaliap inassuteqaataa pillugu ilinniagartuut siunnersuisoqatigiini taasinerat pillugu ataani malittarisassani takuneqarsinnaapput. Taaseqataasinnaasut tassaapput siunnersuisoqatigiini aalajangiisussani ilaasortat tamarmik. Taasinerni ataatsimik amerlanerussuteqarnikkut imaluunnit taasisut akornanni amerlanerussuteqarluarnikkut taasinermi taasisutaangitsut ilanngunnagit aalajangiisoqartassaaq. Naliliinermi ataatsimiititaliap inassuteqaataa malinneqarniarani aalajangiisoqarpat suliaq naliliinermi ataatsimiititaliami annertusisami suliarineqassaaq.

Imm. 2. Allaaserisamik illersuisoqarnissaanut tamanit inassutigineqartoq akuersissutigineqassaaq ilaasortat taasisinnaasut ikinnerpaamik 2/3-ii akerliunatik taasippata. Allaaserisap illersorneqarnissaanut akuersinnginnermi tamanit inassutigineqarpat taaseqataasunit ataatsimik amerlanerussuteqarnikkut akuersissutigineqarsinnaavoq.

Imm. 3. Amerlanerussuteqartunit allaaserisap illersorneqarnissaa inassutigineqarpat taaseqataasunit ataatsimik amerlanerussuteqarnikkut akuersissutigineqarsinnaavoq. Allaaserisap illersorneqannginnissaanik amerlanerussutillit inassuteqarpat tamanna akuersissutigineqassaaq taasisinnaatitaasut ikinnerpaamik 2/3-ii inassuteqaammut akuersillutik taasippata.

Imm. 4. Naliliinermi ataatsimiititaliaq ilaasortanik marluinnarnik inuttaqarsimappat taakkulu allaaserisamik illersuinissamut aappaa akuersilluni aappaa akerliulluni taasippata allaaserisap naliliinermi ataatsimiititaliami annertusisami suliarineqassaaq.

Annertusisamik naliliinermi ataatsimiititaliaq ataatsimiititaliallu inassuteqaataanik suliarinninneq

§ 14. Ataatsimiititaliaaqqartoq marlunnik ilaasortaarsimappat ataatsimiititaliaq annertusisap pingasunik tallimanilluunniit ilaasortaqaassaaq. Ataatsimiititaq siulleq pingasunik ilaasortaarsimappat ataatsimiititaq annertusisap tallimanik inuttaqartinneqassaaq. Ataatsimiititaliaasimasumit ilaasortaasimasut annertusisamik ataatsimiititaliami nalinginnaasumik ilaasortaqqittarput. Aamma §§-ini 8-12-imi aalajangersakkat assinganik atorineqassapput.

§ 15. Naliliinermi ataatsimiititaliamit annertusisamit ilinniagartuut siunnersuisoqatigiinit inassummik

taasineq makku tunngavigalugit pissapput, tak. § 13, imm. 1 oqaaseqatigiit aappaat:

1) Allaaserisamik illersuinissamut tamanit inassuteqaat akuersissutigineqassaaq ilaasortat taasisinnaatitaasut 4/5-ii akerliullutik taasinnigippata. Tamanit isumaqatigineqartumik allaaserisamik itigartitsiniarnermut inassuteqaat allanngortinneqarsinnaanngilaq.

2) Allaaserisamik illersuinissamut amerlanerussuteqartunit inassutigineqartoq akuersissutigineqassaaq taasisinnaatitaasut ikinnerpaamik 2/3-ii akerliullutik taasinnigippata. Allaaserisap amerlanerussuteqartunit itigartinneqarnissaa inassutigineqarpat ikinnerpaamik taasisinnaasut 4/5-ii akerliullutik taasinnigippata.

Illersornera pisortatigoortumik naliliisussallu nalunaarutaat

§ 16. Allaaserisaq illersorneqarsinnaalerpat allattup isumagissavaa allaaserisamit assilisat pineqarsinnaaneri, allaaserisamillu assilisat Ilisimatusarfiup ersarinnerusumik aalajangiineratigut illersorneqannginneranit sapaatit akunneri ikinnerpaamik sisamat sioqqullugit.

§ 17. Illersuineq tamanit tusarnaarneqarsinnaavoq ilinniagartuut siunnersuisoqatigiinilu siulittaasumit aqunneqarluni imaluunniit siulittaasumit toqqakkamit ilisimatusarnermit suleqataasumit allamit. Illersuinerup ingerlannera pillugu naammattumik uppernarsaatissaqarnissaa Ilisimatusarfiup qulakkiissavaa.

Imm. 2. Illersuinermi oqaatsit tassaassapput kalaallisut, qallunaatut, norskisut svenskisulluunniit, oqaatsinik allanik atuisoqarnissaanik Ilisimatusarfik akuersissuteqanngippat.

Imm. 3. Illersuisoqarnissaa ikinnerpaamik sapaatit akunneri sisamat sioqqullugu illersuisoqarnissaa pillugu Ilisimatusarfik ilisimatitsissaaq sumi qaqugu tamanna ingerlanneqassanersoq ilisimatitsissutigalugulu allaaserisaq sumi pineqarsinnaanersoq kiisalu illersuinissamut malittarisassat ersarinnerusut ilanngullugit, matumanilu pisortatiguunngitsumik naliliisussatut takkunermi nalunaarneq.

§ 18. Pisortatigoortumik nalilersuisussatut atuuttussat naliliinermi ataatsimiititaliamit ilaasortat marluk toqqarneqassapput. Pissutsini immikkut ittuni suliassaqarfimmi suliallit allat pisortatigoortumik nalilersuisussatut toqqarneqarsinnaapput.

Imm. 2. Pisortatiguunngitsumik nalilersuisinnaasut illersuinermi aqutsisumut aallartinnginnerani nalunaassapput. Aqutsisulli pisortatiguunngitsumik naliliisartut kingusinnerusukkut oqaaseqartissinnaavai siusinnerusumilli nalunaaruteqartut siulliusussaatitaanerit atorunnaarsinngikkaluarlugu.

§ 19. Doktorinngorniummik allataqartup kissaatigippagu illersuinini aallarnerlugu 1/2 tiimit atorlugit atuaasinnaatitaavoq tassanilu allaaserisap qulequtaa sammineqarluni kiisalu ilisimatusarnermi inernerit

nalilerneqartussatut saqqummiunneqartut ilanngullugit eqqarsaatigalugit.

Imm. 2. Pisortatigoortumik nalilersuisussat nalinginnaasumik sivisunerpaamik 1 1/2 tiiminik piffissalernerqartarput pisortatiguunngitsumik nalilersuisussat sivisunerpaamik 3/4 tiiminik apeqqutitut piffissalernerqartarlutik, piffissanilu taakkunani doktorinnorniummik allataqartup akissuteqarnissaminut pisariaqartitaa ilaatinneqarpoq. Nalilersuisussanulli piffissaliineq pissutsit naapertorlugit sivikillineqarsinnaavoq sivitsorneqarsinnaalluniluunniit. Illersuineq tamarmi sivisunerpaamik 6 tiimiussaaq unikkallernerit ilanngullugit.

§ 20. Illersuereernerup kinguninngua piaartumik, taamaattoq tak. imm. 2, pisortatigoortumik nalilersuisussat illersuinerup qanoq sukumiitiginersoq pillugu naliliinertik ilinniagartuut siunnersuisoqatigiivinit nalunaarutigissavaat. Naliliisut tamarmik aappaataluunniit illersuineq sukumiisuunngitsutut nalilerpassuk nalunaarummi tamanna ersarinnerusumik tunngavilersorneqassaaq.

Imm. 2. Illersuineq ima ingerlasimappat, naliliisut marluullutik aappaaluunniit ilaliisumik nalunaaruteqarnissaminik nalornippata ilinniagartuut siunnersuisoqatigiini aalajangiisussaasoq allakkianik oqaaseqaateqarnissaanik pissarsiariniassavaat, matumanilu pisut naapertorlugit pisortatiguunngitsumik naliliisussanit, nalornineq qaangerumallugu. Ilisimatusarfiup doktorinnorniummik allattoq periarfississavaa namminermt tunnganngitsunik oqaaseqaateqarsinnaaneramik, allaaserisap naliliisartunut nalunaaruteqarniarlutik allaaserisamik nassiussinnginneranni.

Imm. 3. Ilinniagartuut siunnersuisoqatigiivinit nalunaarut amigartumik ilitersuutitaqarpat suliamilluunniit ingerlatsinermt kukkuneqartorujussuuppat naliliisartunut suliareqqitassanngorlugu kukkunerilluunniit aaqitassanngorlugit uterteqqinneqassaaq. Inaarutaasumik nalunaarut tiguneqarsimalerpat doktorinnorniummik allattumut nassiunneqassaaq. Naliliisartut marluullutik illersugaq naammaginngippassuk doktorinnorniummik allattoq ullunik ikinnerpaanik 14-inik periarfissinneqassaaq nalunaarummut oqaaseqaateqarnissaminut. Oqaaseqaatit naliliisartunut nassiunneqassapput oqaaseqaateqarfigineqartussanngorlugit ilaatigullu inassuteqaammik nalileeppinnermt atorneqartussanngorlugit. Doktorinnorniummik allattoq naliliisartut oqaaseqaataat kukkunerisiornerallu pillugit ilisimatinneqassaaq.

Suliamik inaarsaaneq il.il.

§ 21. Ilinniagartuut siunnersuisoqatigiini suliamik naliliinerannut pisortatigoortumik naliliisartut siunnersuisoqatigiinni ilaasortaanngippata suliamik suliarinninnermt aggersarneqarsinnaapput. § 12-imi aalajangersakkat aamma assinganik atorneqassapput.

Imm. 2. Suliamik naliliisussat ilinniagartuut siunnersuisoqatigiini suliamik aalajangiinnginnermt paasissutissanik allanik pissarsiniaqqaarnissaannut peqqutissaqanngippat, tak. imm. 3, makku atuutissapput, tak. § 13, imm. 1, oqaaseqatigiit aappaat pingajuallu:

1) Naliliisussat marluullutik illersugaq tamakkiisumik naammaginartippassuk doktorinnorniarluni allattoq doktorinnortinneqassaaq.

2) Naliliisartut marluullutik illersugaq naammaginarinnigippassuk doktorinnngornissaanut taasinermi taaseqataasut ikinnerpaamik 2/3-ii aatsaat taasippata doktorinnngorniarluni allattoq doktorinnngortinneqarsinnaavoq. Tassunga aatsaat aalajangertoqarsinnaavoq imm. 3 naapertorlugu paasissutissanik ilassutaasunik pissarsisoqareerpat.

3) Naliliisartut isumaqatigiinnatik nalunaaruteqarsinappata taasisinnaasut ikinnerpaamik 2/3-ii akerliunatik taasisinappata doktorinnngorniarluni allattumut doktorinnngortitsisoqarsinnaavoq.

Imm. 3. Taasinermi amerlanerussutillit pissutsit immikkorluinnaq ittut peqqutigalugit suliaq naliliisartut nalunaarutaat kisiat tunngaviginagu aalangiiffigineqartariaqartoq paasissutissanilli ilassutaasunik pissarsiarineqartariaqartoqartariaqartoq, taakku allaganngorlugit piniarneqassapput. Doktorinnngorniarluni allattoq naliliisartullu tamatuminnga ilisimatinneqassapput paasissutissallu tassangaanneersuunngitsut aalangiisoqannginnerani oqaaseqateqarsinnaatitaassallutik. Imm. 2 naapertorlugu malittarisassat malillugit aalangiisoqassaaq doktorinnngortitsisoqassanersoq imaluunniit doktorinnngortitsisoqassannginnersoq.

§ 22. Ilisimatusarfiup pissutsit immikkorluinnaq ittut peqqutigalugit oqaluttariarsorluni illersuinertaata pinngitsoortinnissaanut aalajangerpagu malittarisassat illersuinermut aalajangikkat atuuttut malittarisassat malillugit doktorinnngortitsisoqarsinnaavoq.

§ 23. Allaaserisap assilinerataaseq Nunatta Atuagaateqarfianut assilineralu ataaseq Ilisimatusarfiup atuagaateqarfianut tunniussisoqassaaq.

Kapitali 3

Ataqqinaammik doktori

§ 24. Ilisimatusartunut ataqqinaammik doktorinnngortitsisoqarsinnaavoq ilisimatuussutsikkut sulinerminni tamanna ataqqineqartussatut nalilerneqarpat ilisimatusarnermi qaffasinnerpaamik ataqqinaasernissaat pissusissamisoortutut isigineqarpata.

Kapitali 4

Naammagittaalliuutit

§ 25. Nalunaarut naapertorlugu aalangiinernut naammagittaalliuutit Ilinniartitaanermut Naalackersuisoqarfimmut anngunneqarsinnaapput.

Kapitali 5

Atuutilernera

§ 26. Nalunaarut atuutilissaaq ulloq 1. december 2020.

Namminersorlutik Oqartussat ulloq 6. november 2020.

Katti Frederiksen

/

Karsten Peter Jensen